



詹鐵牛詩集 耐莊草

卷之三

謝友人餽牡丹

春寒嶮峭戀深卮薄醉枯容自得宜嘉植忽來吳下
種芳香應共洛中奇可知富貴各原美別有文章色
漫述他日憑欄催羯鼓露華駘蕩玉環脂

詠物詩十二首

蝶拍



鰲水詹賢左臣

久拉蜂爲友花香作意評冷容看有態急板聽無聲
嘯日添妍麗臨風款送迎調高應寡和誰唱楚歌清
鶯簧

極目烟花慢交交語不齊和絃依菊部度曲住蘇隄
巧舌晴風好傷心夜雨迷若教驚遠夢何以到遼西
魚梭

聞說鮫鮪製天吳織未成一篙濁浪隱三尺素波明
細皺江心碧輕搖水面清臨淵殊可怪一往見深情
燕剪

讀到時袁句時大本袁凱
有白燕詩經春自品題亂飛裁細雨
閒憇掠香泥烏衣風際褪白領月中逃莫向昭陽舞
雙將怨語提

蜂衙

花信來何早窺園理衆芳離窠徐引隊遶徑亦稱王
門戶誰爲主籬籬自得強落紅撩亂處鼓翼助輕狂

蟻陣

逐逐何爲者爭雄戀薜蘿編橋營剗道入夢想南柯
較勇輸羆虎驚風失鸛鵝不堪春雨驟零亂楚軍歌

蛙鼓

土膏初起處
賽響白雲堆
四野風同沸
千山月欲來
溯流誇綠襖
伏地引青苔
不比漁陽弄
三搗擲幾回

蚓笛

自得黃泉飲
憑堦意窈娘
入床騎蟋蟀
啟戶誤螻螂
三弄非桓子
一枝肖郭郎
落梅今寡調
聊此悟清揚

蛛網

是處支機好
經營腹自肥
不將麟鳳罩
也逐雁鴻飛
絲吐蠶同巧
巢高燕可依
尚能存宋祚
廟祀爛靈旂

永豐縣有尚書廟載
蜘蛛救宋太后事

螢燈

漠漠春宵靜
燼燼一炬光
果堪凌夜氣
何以妬朝陽
爛爍搖書幌
殷勤戀客裳
金吾知不禁
任彼度迴廊

蟬琴

一曲天然搽
調停萬綠間
長鳴聲自裊
疾斷影同刪
入座呼狂客
欵牕怒小鬟
可能留譜上
樂府和關山

雁字

秋空天送爽
雲漢擁圖書
妙義知時節
高文溷豕魚

離奇烟欲亂森列月同居寂寞蘆花岸毫鋒歛紫虛
郭青門明府夏日過訪出雲山房留飲賦詩次

荅

一片荒涼地從無車馬喧老我山中客提鋤自種園
忽聽涼颼發雙鳧影度軒坐樹欲終日臨水問雲根
草色仍堆砌竹陰時掃門得魚縱使逸應化北溟鯤
公命館童撒網爲戲所得魚旋放之去摘蔬味禪悅幾同兩足尊公是日蔬
食香在木樨頂領畧竟忘言小鳴還大叩塵襟未足
論歸路天將暝星河擬泛輪

己卯重九遊禪和坪作長歌紀事

黃葉離離秋欲殺陰雲冉冉逃群寨迤邐從之道路
長青鞵布襪泥中壞問余何事攀躋忙說有雲端藏
法界何年鬼斧劈將來煙霞天半生靈籟到門惟見
竹珊珊瘦削空青籠鬢鬢方塘半畝納天光蹲虎蟠
虬石自在挑燈揮塵飮清言頓覺身輕塵網債上人
貽我紫瓊霜枯腸洗滌忘機械沽酒遺風接遠公愧
我非同柴桑輩松風竹韻入匡床擁被高樓魂亦快
起來漸喜雨聲希踏徑穿林方丈外青黃碧綠四山

鋪滿目陸離添光怪村庄城郭杳冥間遠矚溪流明
一帶平遠迷濛認不真米濃俛淡還同派羣峯歷歷
共朝宗儘納須彌歸一芥觀之不足賦歸兮遊屐一
折何時再從今稽首祝祇林葉與根隨身不敗

已卯除夕郭青門明府以春聯紗燈見貽

病骨支離歲忽奔何來一刺接春溫金箋兩道懸繩
柱寶炬雙檠照葦門雞肋嚼殘盤少味蛾眉畫老筆
仍髡自憐幽黯慚知己爲借藜光破積昏

賦得鬱鬱久居此次郭青門明府韻

鬱鬱久居此吾生自解憐不堪歌自紆何處選青錢
雨暗花前月帆收浪裏船拘攣誰可訴妬煞御風鳶

其二

春風驚過耳鬱鬱久居此乳燕語高粱新苔塗敝履
劉蕢自有天伯道寧無子何以破幽憂相隨荷鍾死

其三

韶光何用賤老到不知時鬱鬱久居此勞勞尚在茲
悲來天欲淚憤極血成詩擬學希夷睡清魂任所之

其四

無計覓并刀刻開胸臆痞茫茫何處歸鬱鬱久居此
煮鶴火中蓮妬花風際藥阿儂薄命兮如斯而已矣

其五

不遇孫陽顧難空冀北群孤心陪夜雨紛緒語朝雲
鬱鬱久居此皇皇未可聞昌黎千古士贏得送窮文

其六

清和天氣佳麥浪風吹起高樹鵲成巢一泓魚戲水
嘻嘻誰不然鬱鬱久居此何必寄人間拙哉耽故里

其七

黃梁熟已就枕內醒殘身縹渺紅綾餅歪斜烏角巾
髮疎花伴侶眉促鏡中人鬱鬱久居此魂銷豈是貧

其八

悲極何來喜流光同敝屣愁生自舉觴夢到仍憑几
蟠腹妬丁松凝眸驚亥豕頻年伴蠹魚鬱鬱久居此

寄懷同年涂聖問

潦倒空山裏勞心賦索居迢迢淹驥足珍重覓魚書
劍逐苔痕綠琴隨花影疎遠懷吹不斷風雨共徐徐

題畫二絕

萬松深處一茆亭扶杖翛然酒半醒脫却塵襟棲物
外此中誰與話清馨

其二

迷濛一片隱江帆荻浦蘆汀水自緘想見月明秋淨
夜不堪白露濕征衫

閱董元璋畫冊感賦

妙筆寧甘與世違塗來點墨盡芳菲不尋窠臼心原
敏獨闢蠶叢手自揮倪米豈真成絕唱顧吳今已嗣
遺徽誰知技到神奇處也嘆沉埋識者希

武當閣

雉堞環鋪市接橋萬家烟火燭星杓山光淡欲浮青
黛水色真能擁絳霄鎖鑰文瀾森劍珮收羅大塊入
詩瓢憑牕幾欲舒長嘯天半朱霞繞袂飄

其二

左控高城又枕橋簷牙飛處插天杓拾來翠靄皆屏
障望入青冥卽漢霄依岸月明添畫譜隔溪雲起潤
吟瓢松風嚶嚶爭傳籟宿鳥驚回葉亂飄

其三

唐鑑年譜集 卷之三
誰將傑構聳溪橋壁立嶙嶙伴斗杓過眼潏澗依碧
水頂頭磨洗認青霄嘉賓雅集杯盈几過客情深字
入瓢一望康衢村落近鬱葱佳氣接雲飄

其四

偶携屐齒度長橋灑酒臨風望遠杓甃社珠明思後
勁赤城霞起絢層霄飛觴醉我豪生袂捉筆驚人韻
落瓢笑拂隄糜無好句敢追瓊屑向空飄

寄謝董小白

時邑中製錦壽家
母六旬小白書金

學海文淵夙擅場更兼彩筆駕鍾王盡行藻思歸東

壁還送春暉到北堂虎爪未成空有恨雞豚雖在敢
言香一時珠玉爭騰焰頓覺憂隨萱草忘

郭青門明府中秋遊鬱林寺賞桂次韻

粉署多清興尋幽驟馬銜林光飄遠徑秋氣結層嵌
蘿薜扉初啓茶瓜味可饑木樨香正好飛上辟支函

其二

金粟生蘭若新英瓦雀銜天香來月窟秀色遶山嵌
渤海犢將暇吳江水已饑寺門留玉帶名重蕊珠函
霜降後盆榴結子次董天明韻

霜零花圃寂着眼見敷榮瑣瑣團朱絡菲菲綴赤瓊
催楓鋪錦繡陪菊量陰晴剪綵隋宮者應憐晚艷生
友人索畫墨蘭附筠亭老人草書後

筠亭老人擅草書奮筆揮時七十九楮上遙聞風雨
飛腕間忽聽蛟龍吼配以墨蘭花數莖弱葉枯石寒
雲走分明小巫見大巫着糞佛頭忘其醜幽燕老將
不等閒氣韵沉雄孰與偶勁峭離奇作正鋒懸瀑奔
崖俱在手不堪附麗強鋪張一任軒渠供笑口江淹
才盡筆無花閣筆自慙君知否

送董小白之池州

畫鷁朝騫送遠塗亭亭霜月夜同孤十年雅誼聯雲
雁千里閒心寄水鳧官閣早梅將喚客野籬殘菊尚
提壺遙知琴署風光好安邑猪肝味有無

題譚雪齋畫冊

溟濛一望中釣去滄波碧何必着羊裘蘆花秋夜白

遊玉蓋山

屈曲行來路幾尋亂雲堆裏宿禪心凝眸依舊天原
遠躡足從新地欲沉仙筆屢經滄海變

山有白玉
蟾親筆塵

襟空老白頭吟何當一枕醒殘夢物外烟霞自古今

墨竹歌

林子公南善寫竹峭勁清疎應滿腹寒梢百尺任縱
橫渭川千畝克行麓泚墨淋漓信手揮夜雨瀟瀟風
颯颯撲面紅塵識者難珠隱深淵玉韞匱彈丸鰲邑
幾經遊未飽猪肝徒碌碌愧予不是真賞音節直中
虛君子族品題濫附儘軒渠投我瓊瑤將一斛展玩
之時不轉睛種種神奇相徵逐狂風迅吼怒龍騰地
裂雷轟震瓦屋天清氣朗影亭亭掩映晴光山之麓

陰霾積雨忽連旬紙上啾啾山鬼哭灑灑夜淨露珠
垂半醉佳人春睡熟彤雲遍野雪奔飛青枯碧瘦愁
顛覆百怪入腸如有神腕間具有真淇澳我將坐臥
入其中飽餐莫嘆食無肉煩君日日報平安龍孫到
處陪君宿

書林公南竹譜後

參差歷落伴晴空曾向淇園喚曉風萬葉翛然天際
拱直趨雲漢數飛鴻

其二

四望盈盈玉一團墨花幻出碧瑯玕寒枝拽住冰輪
影特向孤岑展素紈

送同年彭願君之官萍鄉

九疑山上月初寒一棹琴書映裏看祿閣鴻文將校
字泮池清水正生瀾朝來苜蓿枝垂綠夜暈藜光杖
吐丹漫訝先生官獨冷夔龍虛席在朝端

菊影次郭青門明府韻

天迥秋高雁一行冰輪移出賽輕粧亭亭解笑全無
骨簇簇凌空暗褪香入座巧鋪青玉案擎杯薄醉紫

瓊霜柴桑處士如相問也自憑虛索酒嘗

其二

黃金揉碎不成行素壁盛來自惜粧愛展秋空偏作
態貪畱夜暈悞尋香噴花共嘯三更月墮葉仍驚五
漏霜白帝似逃歸去路高燒銀燭倩人嘗

其三

粉署滋培列幾行籬邊馥馥漫凝粧梧桐月上頻添
影蘆荻風來自竊香幻相儘堪供碧眼脫胎何事怯
清霜陶然一枕情難定細嚼餘芬引夢嘗

其四

秋葩爛熳恰成行
永夜輕描半面粧
隱躍連根難借
色分明並蒂却無香
移來淡冶驕寒露
謬得娟妍避
曉霜早覓白衣人
送酒落英餐處月同嘗

爲謝翕潭作墨竹書後

君子有堅捺節直心良
苦風雨任離披幽貞不可侮
凌霄待後來屈曲頭應俯
淋淋逐夜聲滄雲蔽當午
擗管發長哀浩然天地古

窻前紫菊次謝翕潭韻

移來甘谷種渲染不尋常
小玉釵頭色楊妃醉裏粧
性幽原自爾麝媚亦何妨
最怕金飈惡丹楓葉共揚

其二

擬逐秋容老撩人自覺嬌
恰囊青上綴瓊珮綠邊搖
魏府香同噴袁家色共飄
孤芳能愛惜寒露已相饒
元宵寫懷

一熄焦桐尚吐光
賞音難得蔡中郎
漫言嚼火全無
用也其銀蟾伴草堂

其二

四十年中草草人舉盃猶幸月痕新陰雲掠盡頻舒
影靜掩柴扉自惜春

其三

寄愁天上尚愁多半月新年一瞬過細撥銀缸還問
我燈花含笑笑儂麼

其四

醉眼睽睽未忍眠珠輝玉映晚風前紙燈碎剪猶騰
價只有窮文不值錢

其五

咚咚街鼓鬧清宵獨擁冰輪破寂寥搜索梅花還弄
影漱將殘韻入詩瓢

其六

誰說文光射斗牛孤檠淒絕夢長幽明珠自晒無投
處留得清暉上小樓

其七

一望蒼旻尚有情素波歷歷向人明金蓮寶炬歸何
處醉裏猶聞太息聲

其八

野雀孤雲未有家
柳庄竹巷老年華
止餘夜氣催殘
夢羸得銀臺幾度花

其九

金吾不禁憶長安
燈市繁華未得看
夢裏尋來仍是
夢泥塗空自說雲端

其十

枯蘭瘦竹自題詩
潑墨誰憐黯淡思
糊作春燈消午夜
星疎雲淨月明時

畫石

瘦皴玲瓏體自奇
白雲靜對兩相知
最宜朔雪寒風
夜一片空明冷淡時

龔仲蕃索寫雪蘭書後

寒崖幽窈黑雲閒
縞帶飛來碧一彎
松栢此中仍不
耐偏留清韻滿人間

黃顛頑以詩過訪次荅

鳳隱甘尋鷗鷺盟
軒渠一揖笑朝英
何來雅度千江
濶忽接高談四座驚
歷歷湖山歸几杖
珊珊詞賦塞
滄瀛涓城曲裏春
聲亂柳色淒迷感慨生

北蘭寺牡丹和韻

漢宮粧罷月仍殘
覓得天香氣若蘭
濃艷一枝僧舍
隱含情無語望江干

其二

塗朱砌紫敢傷殘
卓錫追陪竟體蘭
寂靜自耽羞富
貴清標還擬共方干

其三

玉環脂暈篆烟殘
閒伴佛燈勝木蘭
供入昭陽頻作
態一庭香艷舞朱干

其四

傾國名花影未殘
隨僧入定擬芳蘭
菩提樹綠長留
伴尚有餘香宿射干

送董天明赴省試

冰輪天半影沉沉
此日能無感慨心
遶樹驚烏徒灑
淚食苹啣鹿待傳音
誰教分袂秋光隔
早卜彈冠夜氣侵
燭燼三條應滿志
懷蛟舊夢好追尋

一壺天對雪偶拈險韻成句

縞帶銀盃體自兼
吹來庭院影纖纖
天花亂落疑飛

絮土室平鋪擬散鹽滿泛醪醴甘耐冷閒煨楫拙敢
趨炎灞橋詩思歸何處贏得寒香靜裏拈

其二

敝貂零亂手頻叉撲地墮花未許拏苔砌月迷魚躑
躅蘆汀雲裂雁咿啞皆心歷歷珠輕灑瓦脊嶙嶙玉
遍遮最是出關人易老一聲寒韻滿胡笳

其三

淒絕荒齋冷欲攢彤雲高處碧綃攤早梅頓覺魂俱
寂瘦石何知體自胖屈項嶺松蟠有態垂頭湘竹淚

無瘢王孫此際饑難療一飯逡巡未識韓

其四

靜掩雙扉儘稱懷巡簷收盡鳥啾啾千尋嫩蕊因何
種六出奇葩未有芟高士山中寒入袂美人林下冷
侵釵王維舊譜如堪繪呵凍仍將側理排

春雪

東風昨夜冷蓬門夢醒還疑日乍溫啟戶却驚花睡
去銀砂低壓海棠魂

固拙軒詩爲董俊臣作

高軒以拙名未解何爲固浩然發遠思令予生企慕
舉世巧不偕翻新忘却故拈筆顏其堂寐者從茲寤
大樸在不雕機心胡可務一椽自經營怡然遂初賦
花石就階除朱綠青蒼護中有素心人屐齒時相赴
琴書信有緣茗酪應無數閒雲任往來歲月隨朝暮
絕無城市喧不染烟霞痼悠然董先生性分自吞吐
拙旣非矯情固卽行其素

午日喜雨次郭青門明府韻

習習涼生潤逼衫畫簾新濕鑑光銜懸知粉署清無

事蕭艾蘭邊手自芟

其二

酌罷菖罇醉解衫淒清簷溜黑雲銜低徊細認庭前
草綠滿疎櫺未忍芟

其三

陰雲鬢鬣映青衫榴火燼燼樹影銜深院落紅應有
故爲誰淘洗爲誰芟

其四

一庭幽廠伴絺衫龍氣奔騰驟馬銜傍得冰壺原自

潤苔痕洗淨綠難芟

其五

參鶴閒居着短衫方池蹙浪錦鱗銜淋漓散作珠千
顆滿沼炎威靜裏芟

其六

冉冉荷香暗觸衫隨風花片網蛛銜侵堦浙瀝渾成
韻一枕怡然夢未芟

其七

五色絲懸彩繫衫萬家民瘼寸心銜田疇水滿應添

翠嬴得詩人咏載芟

其八

緩浴蘭湯趁體衫瑤琴聲自指梢銜新篔簹擊如相
和罷響還將敗籜芟

猶帶杏花香文選閣黃公酒遙知秋浦魚肥美何日
能來索鼎嘗鹽背村中景

其二

風雨蕭蕭慘淡秋鰲溪小小不通舟湖山景况閒中
討杜塢烟波夢裏求久識地靈人自傑想因花勝酒
頻浮床頭無物堪消遣盡日探奇借臥遊

其三

某丘某水釣遊清今日楊侯復有卿世路口頭非實
錄人間紙上是真名搜羅最廣無遺恨酬唱偏多足

盡情制義傳奇收尾異

志有杏花村制義一首傳奇一齣

珍珠載滿

一船撐

池州吳古牛先生以雙牛詩賦見貽并示七言

近體二首次答

形依水草性從同相誘何言不及風怪我喘聲驚漢
相儘他騎背任村童吹來短笛如無曲彈到焦桐是
變宮千里神交原自合非由介葛始相通時予自號鐵牛

其二

論交金石鐵堪同人是羲皇以上風簪盍當年曾信

詹鍾牛詩集 卷之四
友硯耕今日尚求童遁肥綠野謀偏獲律中黃鍾譜
協宮妙墨遙傳秋其遠草堂清夢許誰通

荅郎趙客少尹

騷壇獨霸久司盟緗帙傳來倍有情仰屋頻年添夙
契執鞭何日快平生奇書萬卷才原富良醞三升義
可行一水盈盈河漢邈不堪秋思滿柴荆

僧石藏自曹山過訪索予詩字賦荅

浪得塗鴉意傳聞到上方字雖畱面目詩已悞文章
雅抱閒中挹高懷靜裏商何當逢惠遠揮塵共徜徉

癸未中秋登華蓋山夜宿石崖樓上

十年仍到此歲月總驅馳山外山原有天中天自知
冷風涼沁骨輕霧濕侵眉一榻孤眠處高雲接夢思

其二

夢中猶未覺身已在層霄碧露敲金磬朱霞絢玉簫
早尋蝶畔枕還剩鹿邊蕉安得長生訣神仙字一瓢
郭青門明府秋日遊招仙觀閱吳草廬先生碑

記次韻

官餘閒縱步入寺訪殘碑墨跡沾雲氣石痕宿蔓枝

躡秋心共爽懷古意俱遲振袂登臨好行行一鶴隨
其二

憇足清虛界摩挲絕妙辭劇談花欲墜入定鳥頻窺
霽色環松舍秋陰覆竹籬西成欣在望禾黍羨如茨

又和

招提聊寓目肩屨立豐碑古樹餘松幹晴雲伴竹枝
官閒心浩浩僧懶意遲遲琢句天然巧秋光喜共隨

其二

文正音徽遠畱貽幼婦辭草疎名易識苔老字難窺

雁陣橫高漢蛩聲靜小籬歸塗天漸暝雙犬吠茅茨
張鶴潛郡伯講堂落成恭紀三十韻

楚南尊世胄後起溯前賢江左清才麗漁陽惠政鮮
青紉垂舊蔭朱紱引新筌祖澤身應受父書腹自便
雄文傾漢水偉抱吸湘川七步詩原敏八義賦卽全
芸窻初脫穎桂府遂揚鞭仕路飛黃早帝心簡在虔
雉城書上考熊軾報高騫日朗麇符畔風馳象闕邊
服官標赤幟掄士選青錢旣覽姑山秀旋吹汝水漣
升華凝皓月來暮接蒼天五袴歌方沸雙岐麥更妍

金柷還茁茁玉茗頓翩翩事業銘鍾鼎文章綯簡編
地靈知再盛嶽氣喜重延闡教崇儒苑羅英聚講筵
掀眉收六邑遶膝擁三千弟子紛投榻師生各坐氈
指南應夜夜面北自年年銅鉢龍能變金針鳳可聯
授經來洞鹿執贄望堂鱣化雨丹青沛春風絳帳懸
林林登道岸滾滾浸文淵妙諦敷帷幄婆心度陌阡
花繁獨不吠浪息鱷頻遷正聚愚氓欲翻愁聖主宣
調元徵黼黻燮理奠坤乾願勒羊山石芳流碧澗泉

寄懷同年朱虎文學博

帝里風煙損鬢毛知希誰唱鬱輪袍時清早捧檄交
麗官冷偏宜酒力豪綉谷山川供勝賞雲林譽髦入
甄陶獨憐十載寒燈靜猶自緘題寄杜羔

甲申元旦次謝翁潭韻

羈愁漸覺帶圍寬忽接高吟病裏看天日自來無朗
照雲頭何處有奇觀千金慷慨誰求駿一飯殷勤未
識韓最喜考槃人尚健社盟依舊結新歡

碧桃和韻

臙脂渾不染渡口問漁人躡潔因誰貴歛華頗自珍

詹鍾牛詩集 卷之四 五
宿雲疑半夜噴雪趁殘春惆悵仙翁去何年再結隣

其二

覓得天台種移將伴壁人白雲留不碍素月靜同珍
落落偏宜早冷冷自惜春武陵如可泛幽味許誰鄰

絳桃和韻

依稀人面好瑣瑣擅風流粉靨陪偏媚朱唇啟漫收
映霞頻作態着雨便含羞春色嬌無限鶯梭遶徑投

其二

掩映晴光好玄都另一流燕驚雲乍結蝶戀錦難收

蓉玦堪爲偶榴裙自覺羞劉郎知幾度芳信忽相投

輓郎仲久先生 有序

前明崇禎間國威不振一時之典重兵擁大
權于外者多驕蹇自用癸未春寧南侯左良
玉假勤王名帥師東下所過荼毒較流氛益
甚將薄池州城城幾不守開府程公世昌聘
先生入幕問解圍策先生以數萬生靈不盡
于寇必陷于兵遂單騎詣左營曉以大義挽
之回武昌寧南以暫次東流爲辭先生諷之

曰大將軍一生事業豈可付之東流寧南味
其言圍遂解池城安堵如故事載江南通志
余從文孫趙客所撰杏花村志中脩悉原委
因慨然想見其爲人感而成詩蓋不勝山高
水長之慕云

江上孤城纍卵危先生片語靖雄師銅駝欲向秋風
委鐵騎爭從夜月馳保障功高銘史冊澄清志愜壯
籓籬卽今後起能繩武千載令人發遠思

池後詩人歌爲郎趙客少尹作

趙客別號杏邨

池陽自昔多名宿學海淵源清可掬夫惟大雅盛于

唐玉不在山珠出匱張祐孟暹康駢盧嗣立費冠卿

大家顧雲王季文周繇武瓘如輳輻增以伍唐珪殷

文圭夏鴻杜荀鶴輩繁星麗天難更僕有其倡之和

者誰千載寥寥寄遠思旗鼓雞壇聲未歇聊從往躅

溯今時杏邨先生產其地膨然滿腹神仙宰夢鳥生

花才不羣極盛之後能爲繼泠泠冰雪淨聰明望古

遙深一往情四壁隄麋高着處淋漓清韻塞滄瀛杏

花村志編雲嶠杏村著杏水怪山靈齊入竅弔古憑

耐莊草

今恣討搜梳剔搔爬窮其妙池陽韻紀大編摩杏村

陽韻紀可稱博採群言滙海波不數茂先三十乘酉輶池

陽雜俎未為多有似三都費十年肯畱餘憾觸心窩

文行佳評邀吉水吉水李公督學江鑑衡雅稱斯人

矣一燈炯炯待後來從此詩城堅壁壘開府題旌古

誼敦大中丞喻公以池後手揮片錦爛天孫清新庾

公今再見撫實非誇出大言仲翔知己詎云無君不

見池後詩人郎杏邨

寄闕章玉次原韻

頻斟斗酒半閒亭荷鍾劉伶不願醒寄語詞源高隱
葦秋風鱸膾自芳馨

其二

久解乾坤一草亭睽睽白眼笑人醒薜蘿深處埋名
好風自幽遐德自馨

九月望夜對月

獨酌真成味披衣遠徑遊月應憐半夜天為補中秋
菊圃英將吐梧園葉尚稠此間殊浩落高望已悠悠

其二

耐荏草

不寢何為者憑欄惜夜分孤吟非太苦覓醉願長醺
問影還如舊耽愁遂失群露華飛灑處留意濕香芸

其三

萬籟寂無有清暉遍草廬綠蕉仍漾漾踈柳自蘧蘧
靜以天如鑑清于水照渠舉頭心共遠一步一躊躇

其四

皓魄寧孤往閒雲淨欲消鏡光凝水面輪影繫山腰
珠斗銀蟾迥瑤宮玉兔迢一樽還自賞涼氣滿輕綃

寄歐陽彥瑜

宐川春水正相思欲結芳鄰未可期紅雨有情嘗濕
案綠天無恙早催詩新懷磊落依鉛槧舊業摩沙重
鼎彝安得長房仍縮地篝燈頻話夜何其

郭青門明府雨中招飲看牡丹時花蕊半開偶

賦二首

羯鼓催還未惟聞風雨聲半開渾作態將吐正含情
艷影藏疑露芳心暗欲明河陽花信好留與待新晴

其二

愛惜東君意徘徊未忍看塗朱仍着素破綠乍凝丹

國色耽微醉天香怯嫩寒飛觴同一咲珍重倚闌干
道經烏江謁先太僕文峯公墓

四十予生晚逡巡一拜多披荆尋鳥道牽蔓得龍窩
風嗽衣頻動江流袖可羅豐碑摹擬遍蝌蚪映文河

東原倫重

蓬戶為君啟怡然愜素心酒憑花氣引詩候月光吟

攻錯慙非玉陶鎔信可金時倫重刻意攻詩兼有詩社之訂竿頭同

進步佳話滿雞林

同曾夢予董天明課文耐在原倫重以詩見貽

次答

冷淡生涯共往回獨憐軋茁濫登臺縱饒陸賦窻前
展那有江毫夢裏開鼓掌自供知己笑醉心還望故
人來報章草草難持贈一任蛙虫響砌苔

賦得晝坐不知暑

晝坐不知暑簷鈴振遠臺孤心棲矮屋閒影伴深杯
柳浪高疑下荷風去欲回日長人耐寂幽味許誰來

其二

晝坐不知暑清虛自築臺銷香閒隱几瀹茗漫投杯

日色沿階散雲光遶徑回捲簾塵不到一任燕雛來
其三

晝坐不知暑何心訪古臺自鋪白玉版閒泛紫霞杯
樹密蜂情亂花舒蝶夢回炎威難肆虐冷韻逼人來
其四

晝坐不知暑黃金夢裏臺憎人時掩戶勸我自啣杯
竹韻牽帷入蘭芬觸袖回此間全未夏秋氣拂眉來
其五

晝坐不知暑超然憶昔臺瀑泉鳴拂檻石磴冷浮杯

篆結香三縷琴翻譜一回冰絲何用絡涼吹入窻來

其六

晝坐不知暑槐陰遍繞臺枯腸頻弄筆白眼自擎杯
遠沼魚潛躍閒庭鶴乍回洒然天地外抱膝看雲來

其七

晝坐不知暑漁竿罷釣臺滌煩憑玉硯消渴就金杯
孤館人初靜深山客未回偶然貪共酌樵父喜歸來

其八

晝坐不知暑松聲散滿臺敲詩蹲綺座醜酒倩瓊杯

高樹蟬方息深檐雀正回孤踪殊自得遙待午烟來

盆蘭大放古風贈之

蘭爲王者香詎必生空谷開來三五枝萬綠風前馥
傍簷暑氣清雨洗光如沐淡質本孤高幽懷恰相逐
遊魚亦解馨吞吐殊非肉珊珊碧間黃雅伴淇園竹
若榴未敢驕山梔慚非族嚼之可療饑不亞中原菽
主人欲無言客去嗟何速

讀寧丘自詠賦贈

寧丘原以持預立生
壙也自作詩八首

華屋山丘理自然始終人世任推遷韜藏玉骨非無

地收拾情魔別有天撒手懸崖雲是伴昂頭渡海月
稱仙高文雅構真奇絕清韻冷冷宿墓田

送程垢翁歸新安

茶筍初肥暫歇驪荒城煙雨耐幽棲鳴時那在趨金
馬味道真能似木雞自有湖山留雅嘯豈無風月嘆
分携別懷頓逐行旌遠柳色蒼蒼望裏迷

送沈榜崖歸宣城

敬亭山下客初來篋裏烟雲次第開墨蹟蘇黃推後
起家聲王謝豈凡才驪車忽動人千里雞黍難留酒

一杯自此片帆江上望好音遙待灞橋梅

董天明葬其外祖詹季成先生詩以美之

旅櫬迢迢入望愁渭陽高誼足千秋輕塵弱草人何在夜壑寒山水自流覓得牛眠幽夢穩堆成燕塚亂

雲浮外祖母

一坏黄土纍纍處古道嶙峋照玉樓

其二

樞冷寒螿不記年山靈無恙卜新阡誰撐鐵骨留身後自有瓊丘到眼前夜暈鸚哥啼野岸秋空杜宇咽重泉經營早釋先慈恨天明久喪母酌酒猶堪宿墓田

朱敦彛新築半舫齋寄懷

爲問舫中人早解舫中意抱璞在深山江湖邈何自君固靜者機動亦徵神異築室詎云勞一椽聊相庇胸次有波瀾良坎原同義游息此其間往往得佳致方塘水慣清遠嶂山能媚旣作如是觀活活潑潑地安得一從之鼓棹天風醉

哭隱君謝翕潭先生

淒切愁霖送曉烟半宵清夢穩黃泉烏衣世冑身寧隱白髮名流筆自仙賭墅無人枰已破焚琴有涕榻

空懸簷前鐵馬今何在甲子歲予偶和曹峻谷簷前
鐵馬詩先生見而悅之立和
四首遂樽酒平生二十年
定交焉

其二

肥遯爭傳舊逸民煌然忠孝在君親新亭有淚憑誰
灑故國空懷止自呻縱擁鴛衾難愜意僅餘雞社足
藏真孤檠禿管無人問月色花聲共愴神

其三

軒冕泥塗跡自高終生林壑恣清豪曠懷磊磊存遺
帙幽夢冥冥落綈袍嘗藥僅留明輩在蓋棺那見子

孫號居停一望音徽杳三徑空餘處士蒿

其四

邁軸優游洵足誇義熙甲子老年萃塞鴻久解憐孤
侶巢燕何從說舊家蒼狗雲隨新月冷少微星共曉
風遐如今礪塊澆誰寄竇樹沉沉泣暮鴉

吳古牛先生以先君全城事咏樂府四章遠貽

賦謝

頌祝亭開自邑人先君末造不爲湮沒而祭社彰桑
梓公道人心春復春全城紀畧郵筒寄千里遙將一

寸芹聲氣相通由感召豈似悠悠行路塵天章忽降
四樂府鏗金戛玉珠璣吐比之平原公子流更舉存
鄭功爲伍魯連一矢功最高不免聊城屠戮苦書生
奮身本至誠排解之方差足取微言揚扈並皆佳惟
君鍊石將天補迎神送神均有曲登歌鐃吹工祝舞
誦君妙琢勝雲璈神兮下來霞袖舉從此轟聲震九
區泉下生春日當午腹吞江海氣凌雲誰向雷門張
布鼓陝府區區一鐵牛何緣牽致古岡頭古岡有叟
吟梁父華袞之褒重千秋鑄上貞珉作佳話池陽水

到鰲川下我欲忘言君曰然到底于天原不謝

朱母楊太君八十節壽歌

朱源之麓水雲蒼寶婺星明燦七襄蓬山靈籟滴衣
裳洞鸞一嘯鳴鏗鏘龜臺金母駕雲翔擷芝獻棗酬
瓊漿錦幌高懸在北堂環庭履滿爲稱觴愀然太母
話蒼涼諸君滾滾何琳瑯年躋八袞亦尋常就中遍
閱幾滄桑結禱未久嘆孤凰藁砧何在地天荒碧血
淋淋夜未央黃鵠甘心誓柏姜子舍雙雛共慘惶蕙
帳愁吟豈是殃那堪臬獍隱蕭牆况復猙獰毒吻張

塞外驚飛鴈一行鍛羽摧翎竄異鄉迢迢岐路忽亡
羊裙釵何力驅天狼耐守孤株矢不忘破巢完卵誰
劬勦截髮仍拈苦膽嘗弱質自憐巾幗粧淒風苦雨
恨茫茫食息徒存報北邙願言之死靡他腸何堪大
斗祝無疆僉曰母儀壽世良况兼令子富文章翹楚
雞林歲月長矯然風節誦圭璋徵言薈萃滿丹黃道
氣招徠翰墨香酣吟密咏叶宮商會看懿行紀巖廊
金綸遠賁列縹緗蕪詞濫附入錦囊松齡栢節繪難
方續貂其後果荒唐作善應須降百祥定擬雕鏤國

乘光

原以持遊黃山歸出所撰詩記相質賦荅

選勝歸蘭若搜奇恣筆談標題畱玉帶得句宿珠龕
道以閒中覓禪于靜裏叅山靈應解語吾夢費幽探
熊百雉學博拉同原以持倫重見過

溷俗何方辟市塵冷然三徑枉車輪鶯聲貽我談鋒
利鳳字題門墨瀋新漫摘園蔬原有意偶看隣竹豈
無因楸枰賭處饒先着勝筭全輸橘裏人

次韻送白水上人歸大興

笠瓢高隱處雲水地行仙浩劫空何有宗風得所傳
果能尊兩足應可拍雙肩白社遺徽遠分携悵各天
丁亥元旦第二日趙陟懷少尹招飲亦軒出歲
朝迎春詩索和
官閣晴梅忽換新孟陽佳氣接芳春四郊青綠資培
蔭百里蒼黔共拊循愛客豈知蘿薜賤談詩直取性
情真和風遍野伊誰賜定有仁聲度紫宸

席間讀郭青門明府韻再和

高會叨陪化日新哦松庭畔酒初辛遙看芬鬱棠疑

召早卜霏微雨是郇漢幟先登誰比健廉泉慣飲自
耽貧同官贈荅難爲和爛醉玻璃一盞春

郭青門明府索題東臯圖

誰寫東臯圖筆底生靈籟茅屋竹林邊一水滌衣帶
高梧散夕陰遮石如倚蓋中有一偉人身與名俱泰
聚頂擁三花放懷空四大雷雨發經綸蒼黔歸保艾
囊琴妙不彈靜以紅塵汰瞋色望中收潺湲鳴遠瀨
雙騎獵初回雲起山無害雉羹可自調何必季鷹膾
日豈見全牛但覺松風噓携筐咏且歸晚炊烟疑霽

詹錄牛詩集 卷之四 十七
主人欲無言洒然天地外

睡燕

梁際喃喃語忽沉香泥閒抱夢來侵垂簾隔斷梨花
雨歛翻拋殘柳絮陰紫領班中刪小隊烏衣巷口罷
長吟豈真繫足紅絲斷塚上餘哀杳莫尋

其二

輕雲裁罷日將沉玉剪纔收夜氣侵伴我疎星懸草
舍憑他明月散槐陰蟲飛壘外羞陪影雞唱籬邊懶
和吟社鼓漫催春夢穩黑甜鄉裏費幽尋

寄董天明山中

山靜元燈拱太微柳窻愁望綠何依不堪碎雨頻驚
榻遙憶薰風近拂衣芳信雲邊鴻屢度煖泥溪畔鴨
初肥淵明責子非無意願覓芒鞋第一機

自翔禪衲遊南海歸庵寄懷

老健芒鞋到普陀孤雲無碍海生波分明寫出西來
意一蓑高懸待遠舸

壽家豹若先生七十

彩筆何須耀石渠笑從巖壑老居諸聲留點瑟清無

似味在顏瓢貴有餘
早卜肯堂先作室
正宜安步且懸車
年年春色稱觴處
花氣淋漓自卷舒

偶作

素心晨夕果相宜
擗管豪生許共知
連茹敢言青冉冉
繫匏終負綠絲絲
鴻冥天外情難忍
夔屈泥中意尚癡
七尺焦桐灰未冷
可無清越待鍾期

送同年王德宜之官石城

巖谷棲遲歲幾更
徵書初下接金城
燈傳虎坐方談易
雀遶鱸堂漫舉觥
萬里雲霄新得路
廿年風雨舊

司盟後塵馬足追
難似應愧王克有
論衡

壽同年傅晉植中翰五十

服官宜壽國籌度
紫薇秋金露雲邊
浥玉音几上留
鹽梅歸鼎鉉車笠
憶綢繆珍重君王
夢蒼生待黑頭

